



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 94. Caroli VIII. exercitus in Italia.

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

Cardinalem Legatum velut suspectum ad colloquium non admittebat, sed per suos Pontifici responderi jubebat, Pestilentiam se non expavescere, cum mors vitæ laboribus finem imponeret; nec metuere se famem, cum uberrimum commeatum secum illaturus foret; minus vero formidare se Turcam, eoquod ab ineunte ætate pro amplificanda fide adversus Turcas arma exercere voluerit, nuncque lætus ejusmodi occasionem prehenderet.

Sæcul. XV.

A.C. 1494.

Savita to. 5.

lib. 1. c. 30.

§. XCIV.

Caroli VIII. exercitus in Italia.

Igitur superatis omnibus, quæ ob stare credebantur, impedimentis, Carolus die sexta Octobris Asta profectus est, comitantibus eum Vindocinensi, Montpensi, Longuevillano, Ligniacensi, Nivernensi Comitibus, aliisque quam plurimis spectatissimæ Nobilitatis Viris; absens tamen erat Cordæus Marescallus, qui Lugduni decesserat. Porro totum regii exercitus robur complectebatur ter mille sexcentos Cataphractos, & sex millia equitum sagittariorum, totidemque inter peditum agmina recensebantur præter octo millia lanceariorum, totidemque aliorum peditum, partim ex Helvetia, partim ex Vasconia delectorum, qui omnes confertim, ac collato pede præ-

Machiav.
hist. Flor. l. 1.Raph. Volat.
lib. 3.

Sæcul. XV.
A.C. 1494.

præliari perbene assueti erant, hancque belli disciplinam edocti, Italorum copiis longe superiores erant; hæ enim illo adhuc tempore tumultuario ferme impetu in hostes irruere solebant. Præterea Galliarum Rex præter quadringenta viginti minora belli tormenta secum pari ferme cum suis copiis gradu advehebat centum quadraginta graviora, quæ tam vastæ erant molis, ut facile ponderis plusquam ducentarum librarum globos emitterent, quibus devehendis præsto erant octo millia equorum, quatuor millia curruum, mille ducenti milites tormenta explodere docti, bis mille sexcenti fabri lignarii, qui ligneas tormentorum compages, si forte frangerentur, repararent, denique conducebantur trecenti fossores, totidemque opifices, qui fundendis tormentis operam locarent.

§. XCV.

Alphonsus Genuam improvise capere molitus.

Haud segnior Alphonsus tota belli mole Ludovici ditiones opprimere decreverat; unde Ductore Ferdinando juniore ejus filio unam exercitus sui partem in Romandiolam immisit, alteram, cui Fridericus ejus frater imperabat, ad Genuensium oram deduxit, spe fretus,
opera